



UNIVERSITÄTS-  
BIBLIOTHEK  
PADERBORN

# Vitæ D. N. Iesv Christi Monotessaron Evangelicum

Heser, Georg

Monachii, 1657

281. De falsis testimoniis contra Iesvm.

---

---

**Nutzungsbedingungen**

[urn:nbn:de:hbz:466:1-56533](https://nbn-resolving.org/urn:nbn:de:hbz:466:1-56533)

II. Hæc autem cum dixisset, unus assistens ministrorum dedit alapam IESU, dicens: Sic respondes Pontifici? *Ioan. 18. Vers. 22.*

III. Respondit ei IESUS: Si male locutus sum, testimonium perhibe de malo: si autem bene, quid me cædis? *Ioan. 18. Vers. 23.*

### MEDITATIO CCLXXXI.

#### *De falsis testimonijs contra IESUM.*

I. **P**rincipes autem sacerdotum, & omne concilium, quærebant falsum testimonium contra IESUM, ut eum morti traderent. Et non invenerunt, cum multi falsi testes accessissent. *Matth. 26. Vers. 59, 60.* Multi testimonium falsum dicebant adversus eum: & convenientia testimonia non erant. *Marc. 14. Vers. 56.*

II. Novissimè autem venerunt duo falsi testes, & dixerunt: Hic dixit; Possum destruere templum DEI, & post triduum reædificare illud. *Matth. 26. Vers. 60, 61.* Quoniam nos audivimus eum dicentem: Ego dissolvam templum hoc manu factum, & per triduum aliud non manu factum ædificabo. *Marc. 15. Vers. 58.* Et non erat conveniens testimonium illorum. *Ibid. Vers. 59.*

III. Et

III. Et surgens princeps sacerdotum, ait illi: Nihil respondes ad ea, quæ isti adversum te testificantur? *Matth. 26. v. 62.* Exsurgens summus sacerdos in medium, interrogavit IESUM, dicens: Non respondes quicquam ad ea, quæ tibi obijciuntur ab his? Ille autem tacebat, & nihil respondit. *Marc. 14. v. 60. & 61.*

### MEDITATIO CCLXXXII.

*Adjuratio, Blasphemia, Colaphi,  
Alapa, Sputa.*

**R**ursum summus sacerdos interrogabat eum, & dixit ei: Tu es Christus filius Dei benedicti? *Marc. 14. v. 61.* Adjuro te per Deum vivum, ut dicas nobis, si tu es Christus filius Dei. *Matth. 26. v. 63.* Dicit illi Iesus: Tu dixisti. *Matth. 26. v. 64.* Ego autem dico vobis, amodo videbitis filium hominis sedentem à dextris virtutis Dei, & venientem in nubibus cæli. *Matth. 26. v. 64.*

II. Tunc princeps sacerdotum scidit vestimenta sua, dicens: Blasphemavit. Quid adhuc egemus testibus? Ecce nunc audistis blasphemiam: Quid vobis videtur? At illi respondentes, dixerunt: Reus est mortis.

*Matth.*